

– Avdeies, ka jav ji ki gaji te naisarav lake!
 – Savi gaji?!
 – Voi si amenge sar kirvi... Janes, oi...
 – Na kamav te shunav dasenge! Janav, so, mangel amenge!
 – Shun! Sani... Nanai sae gaje gasave, saveto tu janes...
 – O, ka chivav man katar i penjera, ako tu kamesa te les-des gajenca... – milno phengys oi, tai beshti ko krevati xoly me omnyzosa.
 – Ama me, diniom vorba... Te jav, te dikhav e gaja...
 – Dinyn?! Ko apakyl tut! Vakergyni lake, kai sinyn rom? Te dikhes sar ...
 – So, sar?
 – Ka chivel tut avri!
 – Ma achuka... Ka des li man shaibe te phenav tuke, so lachipe kergys amenge adaika gaji?
 – Savo?!
 – Shun, voi si but gogyver gaji. Voi dinys man o tabletkes, kate saskyrde tut!
 – Oi? Soske, tu na pengyn mange, tai me liliom lakere bezexa?! O, Devla, prostin mange! Bud doshali sinhom! Ertisar mange Devla! Shani, doshali siniom...
 – O, nanai, nanai khanchik! Kana dav man godi so cidingyn... Sar dexav tut te janes! Mo ilo te mangel, mo ilo ka dav ashal tuke...
 – Me-da! Shani! Me-da! – dinepes angali tai sute palal o vudar! Adavka achilo lenge sar iek lengiri cikni, cikni shukar, garavdichin*...(taina)

Resto pes e gajasa. I Magdalena, kiti dikhelas les anglal pe ykhende, sar achol shukar mrush, ediki umrendinelas leske. Oi, mangelas les sasto dives, sasti irat... A, na janelas, nashtine kidel ande pe gogyte, kai ov, ashti te dexel iekhe romane chay po-but latar. Sar te janel? Nali voi sine gaji, shukar, barvali...

– Soske cides tut? Na ulo li tuke shukar ko angluno drom? Iblol? Po iblol?... So achol tusa?

– Janes, me dexav iekhe romane chay... Me sinhom rom... Prandeme lake, sa vogestar...

– Soooo?

– Rom, romano chavo, katar o gav...